

何恩廷

總統令

中華民國99年12月29日

華總二榮字第09900344781號

陸軍中將、內政部警政署前署長何恩廷，謹厚英毅，才略淵弘。少歲驟失椿萱，砥礪奮志，報國請纓，迺投身中央軍校；歷預抗戰、剿匪諸役，尤以南山衛反登陸戰、突襲東山島登陸戰奏捷，浴血鋒鏑，旂常著績。曾任澎湖防衛司令部副司令、海軍陸戰隊司令部司令暨警備總司令部副總司令等職，研兵耀武，聲稱籍甚。嗣轉任警政署署長，揭示忠誠清白守則，倡議勤儉建警；推動警政業務興革，維護社會治安，厲精更始，彰善癉惡；措置攸宜，海內澹然。繼出任國家安全局副局長，悉心襄弼協處局務，督導國家安全事宜，調濟折衝，宵旰圖治。迭獲頒雲麾、寶鼎等四十餘座勳獎章殊榮，譽流軍門，揚庥邦家。綜其一生，憂時愛國，貞固見其悃誠；正理平治，嚴明成其法度，崇勳懋猷，楷範矜式。遽聞高齡殂落，悼惜良殷，應予明令褒揚，用示政府軫懷忠蓋之至意。（編者按：何恩廷先生生於民國9年1月13日，卒於民國99年11月4日。）

總統 馬英九

行政院院長 吳敦義

杜金榮

總統令

中華民國100年1月5日

華總二榮字第10000000010號